



Žrtvi porodičnog nasilja treba naša pomoć

"Spremila sam zadnja dva jaja u kući za troje djece , za doručak i zaplakala" Ja sam Sanja Damjanović, samohrana majka troje djece. U braku sam provela deset godina konstantno trpevši fizičko i psihičko nasilje , nadajući se da će se muž promijeniti. U posljednje vrijeme je situacija postala nepodnošljiva. Napustila sam porodičnu kuću i iznajmila stan. Ovo mi nije prvi put da pokušavam da spasim djecu i sebe. Muž je znao po kiši da me izbaci iz kuće i ja bih stopom , jer novca nemam , dolazila kod sestre . Sestra živi jako teško tako da kod nje na duže nisam mogla nalaziti utočište. Majka mi nije živa a otac ima penziju od 100 eura. I prošle zime me muž istjerao na ulicu. iznajmila sam stan i kako nisam bila u mogućnosti da ga redovno plaćam vratila sam se mužu. Boravila sam i u Sigurnoj ženskoj kući. Centar za socijalni rad u Podgorici je upoznat sa mojom situacijom. Oni su mi savjetovali da napustim zajednicu zbog djece inače će morati da ih pošalji u Dom. Dali su mi 30 eura za troškove preseljenja. Moja želja da živim mirno i da djeci obezbijedim miran i siguran dom je ogromna. Primamo socijalnu pomoć u iznosu od 180 eura od čega za stanarinu izdvajam 140 eura. Kako sam tek došla u stan, ne znam koliko će iznositi računi za struju i vodu. Stan koji smo sada nema grijanje (radijator, TA peć , šporet na drva) tako da se brinem kako ćemo se ugrijati zimus.

Moramo nabaviti grijalicu ili radijator. Imam malo šta od svojih stvari. Nešto malo je bilo u stanu vlasnika. Treba nam dosta toga. Kada sam u pomoć pozvala Banku hrane imala sam dva jaja u frizideru. Spremila sam ih djeci za doručak i zaplakala. Šta da radim? Došli su iz Centra za socijalni rad , uvjerali se u stanje u kojem se nalazimo i otišli. Rekli su da se moram snalaziti kao i ostali . Oni daju socijalnu pomoć . Banka hrane je ubrzo stigla sa namirnicama. Bili su naš spas. Ja nemam nikakvih dodatnih prihoda kao što ni suprug nije imao. On je zavisnih od psihoaktivnih supstanci tako da od njega ne mogu ni u budućnosti očekivati pomoć. Djeca su mala , kćerka ima 10, sinovi 8 i 6 godina. Radila bih bilo koji posao , završila sam srednju ekonomsku školu. Počinjala sam da radim nekoliko puta ali kako sin ima problema sa ušima , mora operisati krajnike i uši morala sam izostajati sa posla i ubrzo dobijala otkaz. Ja molim sve ljude dobre volje da nam pomognu . Grijalica, radijator, hrana, garderoba, obuća (curica 35, dječaci 30), ćebad, posteljina, posuđe, novac Žiro račun za pomoć Damjanovića je kod CKB na ime Sanja Damjanović Br 510050998326501498